



WEEK 1:

DIE KRUIS VAN JESUS

LUKAS 22

Inleiding

“Christians who do not have the feeling that they must flee the crucified Christ have probably not yet understood him in a sufficient radical way. Even the disciples of Jesus all fled from their master’s cross.”

(Jürgen Moltmann, in *The Crucified God*, p 33)

Stem julle saam met hierdie aanhaling, motiveer jou standpunt.

Agtergrond

Dalk gaan ons baie gemaklik (te maklik) om met Jesus se kruis, of in ander woorde het ons moontlik al so gewoon geraak daaraan dat die geweld en gruwel en pyn en God-verlatenheid daarvan ons nie meer so raak nie. Jesus is doodgemaak aan die kruis. Daar is letterlik spykers deur sy hande en voete geslaan en Hy het fisies versmoor omdat Hy net nie meer instaat was om te kon asemhaal nie. Dit is baie geweldig om so daaroor te dink, en baie keer wil ons nie so daaraan dink nie. Maar dit is die werklikheid en wat Hy aan die kruis deurgemaak het, was eintlik nog soveel erger. *CS Lewis is oortuig dat die kruis eers deel van kuns geword het, na almal wat al by ’n rêrige kruisdood was gesterf het!*

En nou roep Jesus ons in **Lukas 9:23** *“As iemand agter My aan wil kom (My wil volg), moet hy homself verloën, elke dag sy kruis opneem en My volg...”*

Dink julle dit beteken dat ons moet sterf soos Jesus?

Of dink julle dat dit iets anders vir ons beteken?

Ons gaan probeer om oor die volgende 40 dae ’n antwoord op hierdie vrae te kry...

Skriflesing: Lees **LUKAS 22:1-6, 24-27, 31-34, 39-62**

- ❖ **Waarvan is die kruis vir jou ’n simbool, ’n teken of in ander woorde: Wat beteken (be-teken) Jesus se kruis vir jou?**

Dit is moontlik dat ons, *soos hierbo genoem*, maklik vergeet dat die kruis ook wil vertel van vernedering en wreedheid en vrees en pyn en vervloeking en eerder ’n wrede afskrik middel was vir misdadigers. Vir ons vertel die kruis van vergiffenis van sonde, oorwinning oor die dood. Jesus sterf aan die kruis en ons kry nog ’n kans.

- ❖ Maar die kruisverhaal **vertel van Jesus se dissipels se mislukking**. Ons kon maklik dink dat hulle van beter moes geweet het. Hulle het darem sy wonderwerke gesien, se leringe gehoor, mense sien gesond word, self van die vis en brood by die vermeerdering geeet, van die water wat wyn geword het by Kana gedrink. Wat lees ons van sy dissipels in hierdie gedeelte?

- Wat het met **Judas** gebeur? (v 1-6, 47-48)
- Wat het met **Petrus** gebeur? (v 31-34, 45-46, 54-62)
- Wat het met die **dissipels** gebeur? (v 24-27, 45-46, 49-51)
- Hoe is ek en jy – nes die dissipels -**vir Jesus 'n teleurstelling**?

- ❖ **Of dink julle dat Jesus se kruis juis vir ons iets ander wou kom leer?**

- *Want wat doen Jesus aan die kruis?*
- *Wat verdra Hy?*
- *Waaraan hou Hy vas?*

Want die doel van die kruis was om te red, ons sonde te vergewe, ons nog 'n kans te gee...

Ons uitdaging is: (works)

- i. Wat is ons eerste reaksie as dit sleg gaan of in lyding? Wat het jy nodig om jou te help om presies teenoorgesteld op te tree soos Jesus aan die kruis?
- ii. Wees eerlik oor waarmee jy die meeste sukkel – wat vir jou die moeilikste is.
- iii. Watter belofte uit hierdie gedeelte gaan jy hierdie week aan vashou?

Ons bid vir: (worship)

1. Noem een saak uit hierdie gedeelte wat jy geleer het en wat jou die meeste challenge en vra die groep om vir jou daarvoor te bid.
2. Dank die Here vir sy voorbeeld en die uitdaging wat dit vir ons inhou, asook vir sy belofte dat Hy aan die kruis vir ons nog 'n kans verdien!